



Jökularannsóknafélag Íslands

Fréttabréf

Nr. 45

Febrúar 1994

AÐALFUNDUR

Aðalfundur Jökularannsóknafélags Íslands verður haldinn í Tæknigarði, Dunhaga 5 22. febrúar 1994 kl. 20:30.

Dagskrá:

1. Venjuleg aðalfundarstörf.
2. Kaffi.
3. Framhlaup Síðujökuls
mundsson og Óskar Knudsen

Magnús Tumi Guð-

AÐALFUNDUR

Aðalfundur félagsins verður þriðjudaginn 22. febrúar 1994. Samkvæmt lögum félagsins verður dagskrá aðalfundar sem hér segir:

1. Kosning fundarstjóra og fundarritara.
2. Kjör heiðursfélaga, ef tillögur liggja fyrir.
3. Flutt skýrsla stjórnar um starfsemi félagsins.
4. Lagðir fram endurskoðaðir reikningar félagsins til samþykktar.
5. Lagabreytingar, ef einhverjar eru.
6. Kosning stjórnar samkvæmt 4. grein laga.
7. Kjör valnefndar.
8. Kosning endurskoðenda.
9. Önnur mál.

Eftir kaffihlé sýna Magnús Tumi Guðmundsson og Óskar Knudsen myndir af framhlaupi Síðujökuls og segja frá. Undanfarin 2 ár hafa Raunvísindastofnunarmenn fylgst með skriðhraða Síðujökuls sem hefur verið að herða á sér. Tók útyfir nú fyrir áramót þegar jökullinn tók á rás með tilheyrandi sprungum og skvettum í ám. Með þessu hefur verið fylgst að undanförunu og teknar margar myndir enda framferði jökulsins ærið stórkarallegt.

JÖKULL 1992

Nú er JÖKULL 1992 kominn út og hefur verið sendur þeim sem greitt hafa síðasta gíróseðil þ.e. fyrir árið 1992. Þeir sem ekki hafa fengið ritið en hafa átt von á því ættu að athuga hvort þeir eigi ekki í förum sínum ógreiddan gíróseðil.

42. árgangur er 112 blaðsíður. Í ritinu eru 7 vísindagreinar. Fjórar þeirra eru á ensku og fjalla um jarðskjálfta í Öskju, rannsóknir á jarðskorpunni úti fyrir Norðurlandi, óvenjulegar vatnsborðsbreytingar á Höskuldsvatni á Reykjaheiði, jarðlagarannsóknir í Langadal. Þrjár eru að nokkru leyti sögulegs eðlis og allar á íslensku. Þær eru um sögu hugmynda um aldur Íslands, fjallgöngur á Snæfell og annáll

jökulhlaupa árin 1984-1988. Þá eru 3 greinar á íslensku með sögu-
legu efni um Kötlu. Að auki er þar bókarumsögn. Ennfremur eru
skýrslur um jöklabreytingar og snjóflóð og skýrslur Jöklarannsókn-
félagsins og Jarðfræðafélagsins um starfsemi félaganna.

Fljótlega verða sendir út gíröseðlar fyrir árið 1993.

Oddur Sigurðsson

SPORÐAMÆLINGAR HAUSTIÐ 1993

Jöklamælingamenn hafa skilað umsögnum um jökulsporða á 45
stöðum. Af þeim hopa 25, 11 ganga fram. Á tveim stöðum stendur
jaðarinn í stað og á öðrum sex varð ekki mælt vegna vatnagangs eða
snjóskafla. Nú var mælt í fyrsta sinn við Kötlujökull og verður því
haldið áfram. Af þeim jöklum sem ekki eru þekktir framhlaupsjökla
skriðu jafnmargir fram og þeir sem hopuðu.

Framhlaup Múlajökuls hélt áfram og er nú orðið rúmir 200 m í
þetta skiptið. Skeiðarárjökull vestanverður hefur heldur betur snúið
við dæminu og hogaði nú 120 m á einu ári.

Framskrið Sólheimajökuls á nú brátt aldarfjórðungs afmæli og
þarf enn að herða kuldatíð hérlandis ef hann á að geta haldið áfram
ótraður. Á þessum tíma hefur hann gengið hálfa þá leið fram sem
hann hafði hogað næstu 40 árin þar á undan. Nær nákvæmlega það
sama gildir um Gígjökul í Eyjafjallajökli. Það er sérkennilegt hve líkt
þessir tveir jökla hegða sér.

Oddur Sigurðsson

FRÁ SKÁLANEFND

Farið var á árinu til eftirlits og viðhalds í alla skála félagsins
nema Breiðárskála. Til stendur að sinna honum líka með vorinu.
Skálarnir í Kirkjubóli, á Goðahnjúkum og í Esjufjöllum eru í mjög
góðu standi og sömu sögu er að segja um Kverkfjallaskálann. Sá síð-
astnefndi var þrífinn og lakkaður í hólf og gólf, lagfærðar hurðir, sett-
ir nýir útidyrarherar, plexiglas sett í gluggahlera og borið á skálann
að utan. Gott ástand var á báðum skálunum á Grímsfjalli. Borið var á
þá báða að utan.

Í Jökulheimum var aðalþungi framkvæmda ársins. Lokið var við að innrétta Gamlaskála. Sett var í hann ný olíuvél með tilheyrandi reykháfi sem fer mjög vel. Seglagerðin Ægir gaf nýjar dýnur í skálann. Verið er að smíða steinolífutanka utan á báða skálana og horfir sú breyting mjög til þrifa innanstokks. Svo voru öll mannvirki þar máluð utanhúss. *Nú eru báðir Jökulheimaskálarnir læstir sem og nýi skálinn á Grímsfjalli, og verða þeir sem áhuga hafa á gistingu þar að hafa samband við Stefán Bjarnason (sími 37392 eða 28544) eða Ástvald Guðmundsson (sími 686312) til að fá lykil.*

Fulltrúi skálnefndar félagsins hefur verið boðaður til spjalls og ráðagerða með öðrum félögum sem stuðla að ferðalögum í óbyggðum til að fjalla um umgengni og umferðarmenningu á hálendinu. Verður þeim umræðum haldið eitthvað áfram.

Í vor verður sett upp geymsla á Grímsfjalli en hennar hefur oft verið saknað. Sömuleiðis verður reist þar náðhús svo umgengni megi sóma þjóðgarðinum.

Skálanefnd

VEÐUR Á ÍSLANDI Í 100 ÁR

Jöklarannsóknafélaginu hefur borist til eyrna að félögum bjóðist bókin *Veður á Íslandi í 100 ár eftir Trausta Jónsson veðurfræðing* á 3.000 kr. en bókin kostar 3.450 kr. út úr búð. Þeir sem hafa hug á kaupunum gefi sig fram við ritara félagsins Odd Sigurðsson á Orkustofnun, Grensásvegi 9, 108 Reykjavík (sími 91-696036).

Oddur Sigurðsson